

小
倦
遊
閣
集

小倦游閣卷第十七

正集十七

文十三

閘河日記

道光九年六月六日戊辰由館陶登舟沿衛湖汶入
閘河南返予南北往來十次從未經行閘河僅據圖
籍終苦不能了達心口此行庶補其缺先是八年冬
王氏妹率男家起送女孟儀與館陶明府陽湖張君
翰風之次子仲遠成禮予今春入都約夏間迂道至
館陶偕返館陶去臨清陸路七十衛河迴曲水程增
十之八而湍流迅疾申刻發柁薄暮已抵吳庄蓋去

城已五十里矣

初七日己巳昧爽抵臨清小閘閘就河岸老樹絡竹
竹纜截船已刻抵汶口清溜雖外出而深才三尺許
衛汶交匯之處有相口草堤堤內有江西糧艘擱淺
冠蓋四五事絡繹嚴催用五六十人引纜纜純絕而
船不行乃于口外提撥船入撥米予上堤東南行五
六十步至頭閘閘外淺船三閘內淺船西南行二里
許則二閘兩閘之間名塘子可容糧艘五十若並兩
艘于塘中名雙灌則容百艘向例先下滿頭閘版乃
啟二閘放船一幫入塘俟二閘版下乃啟頭閘打船
出口名曰倒塘灌放為汶口溯流至分水龍王廟水

程三百六十里勢如建瓴節節以閘約水濟運沿敞
閘則直洩無餘淺滯重艘故也先是汶水微漲而衛
水未發清溜外注頗旺刷深口門五月廿七八日衛
水長尺許抵住汶水濁溜漲入頭閘口噴涉江廣舡
身笨重雖迭絙在濟寧東昌臨清却載仍吃水至四
尺予見二閘板上水高于板下五尺許詢知二閘上
抵戴灣閘河路長四十里現過江西饒九幫在後止
賸八幫不過四百餘艘相度形勢若先下滿頭閘板
啟放二閘注水令極盛乃啟版用長河水力冲刷不
過半日積沙即可刷通計洩減水勢不過二三寸無
礙浮送尾幫否則于一塘尾船見淺之時即下頭閘

啟二閘打船進塘前後套搭頭閘蓄水高于外河且
六尺雖二閘下版水力不盛而乘高下注閘外渠內
之船自然浮起過行打出數十艘積水宣洩畧盡即
將尾船留塘下頭閘版再提二閘內船進塘如此鈎
連打放一日可兩塘半官吏減守候催督之煩丁杞
免耗米盤船之費七幫尾不兩三日亦口出口矣東
年手初創塘時即行此法必可趨快廿餘日官民兩
便而有司皆催漕熟手實力從公坐烈日揮濁汗手
敝唇焦計不出此可快也又登土山周覽始知閘北
有磚城名舊城南面套以土城名新城兩閘皆在新
城內土牆大半傾却而閘閘志在者以倚河通為商

馬頭故也。酒刻淺船始出口。予船乘空搶過兩閘。抵大閘不得過。遂宿閘下。

初八日庚午過閘行里許。西岸有新葺佛祠。詢知即乾隆甲午秋壽張逆民王倫據為宮。以攻城月餘之。大佛寺也。四十里抵戴灣閘。居民十餘戶皆編箕柳為篋斗。三十里至魏家灣。為糧食馬頭清平之

首鎮。而高唐清平兩州縣充漕水次在焉。予酤飲月下與肆主張老閒話。言及東省充漕皆頭船一丁獨得以辨糧道。抵運衛幫通倉各費贏餘。歲三四千兩。他船丁止得行月正項而已。又言高唐崔君長于催科。莅高唐不三年。捐升知府。為子弟捐知縣二縣。丞

二而囊橐尚從容清平送本府漕規例三百兩高唐
四百五十兩去年本府劉君改為按漕一石取規庫
紋一錢較舊加倍語俱駭聽是日交小暑

初九日辛未開船行八里至土橋閘 十二里至梁
鄉閘湖南幫接連過閘艤舟候至午刻尾船始盡俗
謂之大板艚漕帥朱公押尾船朱公清操過人僕從
起居至簡易漕委隨負座艤前任已決定者公皆不
變易然節制之使不得藉公事以訛索丁稅過脫空
不發令催提而船行自速可謂握要而事理者也然
漕弁之謗蜚起吳閘入堂邑境過閘五六里河道漸
直自此至臨清口門九十里河流環曲句偃水面而

滿足以刮空又不徑洩因知前此為川者能明周官
匠人之義士不通經果不足用亮哉 風聞堂邑有
草名氣不怨又名公道人植田頭以為界址或起意
欲占鄰田則草反向己田行根茂不可芟唯堂邑與
冠有此種故二邑無田土之訟予以讓聞散步詢阡
陌間土人為指田頭所種形畧如枸杞而葉背有芒
釋氏謂冥王鞠獄先吞鉄丸有私曲則鉄丸內灼以
此草例之則其說殆信安得其種遍植寰區以息訟
睦民耶

二十里至新開大風雨驟至惜不久未能透土無救
早望霽後于月下又行廿里抵東昌府東門聞住船

初十日壬申入城探畢恬溪明府亨信問恬溪文登人僑寓東昌經術湛深年逾七十以大挑知縣需次江西三年未得缺甚以為念至其家知于今年始署上高又于途中聞推小車者云昨晚高唐下冷子大如盞木棉盡壞屋宇傷者無算直隸山東皆呼雹為冷子廿里至利和務聞十三里至周家店聞丙戌六月偕亡弟季懷出都曾駐車于此食大桃甚甘今舟子倚柁買桃子不忍見也急令解纜十二里抵七級閘閘入陽穀境夾岸俱有市陽穀莘東阿三縣亢漕之水次也

十一日癸酉風略定連日皆逆風溯流昨日尤旺緯

挽之勞幾如上峽十八里至阿城下閘有二里至上
閘閘東闌闌甚盛土產阿膠河西三里許有角大
寺寺後百餘步即阿井井寬三尺許深四五尺色深
黑出井即清徹飲之令人墜重止中煎膠土性沙
鬆甃碑不數年即壞近唯土圍出水頗澁阿城古甄
治陳王墓在焉今舍屬陽穀唯阿井周圍百步屬東
阿故東阿有貢膠役而土人頌之曰山東有二寶東
阿驢膠陽穀虎皮虎皮今藏陽穀庫土人傳為武松
所打死于景陽岡者也景陽岡在阿城東南廿五里
土人又言明初有陽穀知縣武姓者甚貪虐有二妻
一潘一金俱助夫婪索西門有慶大戶尤被其毒民

人切齒呼之為皮武匠言其剝割也又呼為賣餅大
大郎言其于小民口邊求利也說雖不經足以為解
開口為盤盞馬頭盞相重八百斤為圓毬浮于額引
者倍差而入店仍攪和沙土扣剋斤重土人皆言有
司利同其規費助為奸虐是天下之通疾矣又言現
任陳君人安靜唯任胥吏過甚赴訴者常半年不得
一面前任蔡君年少勤政事無留獄判決速而平唯
收漕每升外加三文其時民皆樂輸而今以為例不
可復減予見丹徒故令周以勲以辨嘉慶十九年旱
灾捐賑得民次年收漕公議以加二完納後任欲援
其利鄉民萬餘圍其署至不通薪水三日而竟不得

減君子之于取也當思其事之所止毋徒畏傷廉已也八里至金門下閘又二里至上閘水勢甚平傍無民居而作雙閘既擾商復滯漕不能測作者用心之所至十里至張秋閘閘入壽張境夾河為城西半城乃商賈所聚土產氈貨為天下甲十里至張家營嘉慶八年廿四年兩次河決糧艘皆由此處入湖中間東岸有五孔橋石滾堤一座單閘三座木橋五埽石滾堤一座西岸有木橋兩座為南北沙河口又木橋一座為趙王河口兩河頭皆在直隸長垣縣經由曹濮一帶其河皆寬廿餘丈而灘為土人占種止存中泓二三大以故平日則為旱河一遇大雨宣

泄不及隨地淹沒小民不明大計全在司牧之加意
矣每年泛漲而西水未至常有水倒漾入河尾遠者
至十餘里自臨清至此二百里乃有支河傍入之水
東岍之堤閘所以防兩河發減入東平東阿一帶清
港引下齊河之大清橋以保民堰而利運道也嘉慶
廿四年秋予客山東承宣松庭先生齡安署岳時南
河馬營堤決口水由趙沙二河穿運入大清河黃水
北抵阿城南抵戴家廟寬五十餘里東省被災者五
十餘州縣予告承宣以發賑銀必用兩寶免印致官
藉口賠墊開濫遺之漸承宣以為然並委解交府庫
使委官不得與印官相見至今以為法嗣奉部撥餉

一百三十萬協濟馬工承宣仍發兩寶公子伊齡阿告予曰家君到東半年已賠三千餘兩馬工餉若用碎白對搭可得平餘萬一千七百兩用資辦公予以告承宣承宣曰極知吾兄見愛且吾兄首教吾發兩寶非教居停封殖者唯此銀本當解戶部解部例用兩寶今以馬工決口

聖主憂勤小臣曾不能少効棉郵薄而反以為利于心不安至局員之是否乾沒非小臣所敢知也予嘆服予出遊三十年所識大吏以百數見得思義自大興朱文正之外唯有岳公矣公滿洲正白旗人出身吏部調任陝藩而卒于疫惜哉 六十里至戴家廟

開東平州是時也黃河由利津蒲台入海而惠民城
遍河濱狂淦蓄獫狁至險急署令陳超詩蘇州進士
予同年友也岳公許以帑三萬捨獲城池陳君止領
八千曰若能守者八千已可必不能即三萬無濟且
恐君民知有三萬心稍懈反致貽誤陳君欲遺其妻
子侍太夫人赴省寓而已身與城者為存亡太夫曰
惠民城中七八萬戶誰無父母兒守土命吏義無可
去若能盡遷城中老弱父喪者我自率婦與孫上省
豈能一家獨去使城中居民怨望聊生死有定數有
定地兒勿以我為念致疏守護卒不肯行而城亦竟
保完固母義子廉真不愧豈弟君子之稱 二十里

至戴家廟閘東平州之西境也。廟有豐碑，前明崇禎年物，行書，真行頗有法。

十二日甲戌，三十里至安山閘，即古安民亭，水經所謂汶水西南至壽張縣北，又西南至安民亭，入于濟者也。臨河多樓牆，辟軒櫺，甚壯麗，亦糧倉。馬頭東平泰安萊蕪三州縣兌漕水次。河中有江西承造直隸初限撥船二百隻，蓬纜破朽，板縫直裂，前後鐵葉脫落十八九，船未到埠而已，萬不可用。官事往往如此，可嘆也。詢其長年自去年五月開行，領船費五十兩，匝月有餘，尚漂宕閘中。訛索商旅，病官害民，若能通融，將川費銀加于油艚，由糧道驗收，交幫丁分帶過。

淺既可淤米船中又可帶貨幫船到而撥船亦到交
官收明可濟實用似亦官丁兩利無傷政體之舉也
三十里至靳家口閘夾岸皆有市各長二三里張
秋以南推為巨鎮天旱甚自張秋至此居民皆插柳
手門首擊鼓祈雨嚴斷屠沽而沿河仍有以柳筐藏
肉至船旁為市者官禁頗嚴久矣私禁亦復不齊人
心風俗月異日不同遂至此極耶自張家營至此河
面寬僅可十丈較張秋以北減十之六故溜勢尤迅
疾十八里抵袁家口閘閘為汶上首鎮縣漕在此
收兌居民三千戶通商賈百貨船未抵閘五里而水
沫大至知汶水發頃刻高三尺許閘溜急不可上遂

宿閘下連日雨勢甚大而入土不成分寸陽穀以南
麥田俱未耕耨泰充兩郡亦同見此盛漲懸知泰山
以西霑足矣

十三日乙亥早起水漲已八尺閘益不能上登岸謁
土人云東南五里許有劉家口上接王家河直抵何
家渠渠在汶河旁盛漲橫溢傷田禾故築滾水大堤
以減水去袁家口東南四十里凡寧陽之兗兗山曲
阜之東山發水匯入汶河必先由何家渠溢下王家
河出劉家口入閘河汶河正流仍由東南迂曲行且
百里乃至分水龍王廟南北分下北有劉家口倒漾
頂溜廟前水北流者止由斗門入南旺湖大溜悉歸

南關俟漲定乃仍北七南山之舊予見水沫已定乃以三十人兩面絞纜挽過六里至劉家口口門寬與正河等溜外出已不甚駛與西岸大王廟相直過口門遂如平水蓋擎託上游得力故也十三里至至開河關關背出水止二尺船過若不知者西岸有小市舟子維舟大樹下飯緯夫予息陰樹側聞緯夫與土人述徐州搃兵喪古愚安邦之潔已愛民勤公戢土拉雜無倫次略謂襄公于嘉慶十八年署夏鎮守備時本境旱荒而鄰邑竊發襄公條約富民不得閉糶抬價窮民不得聚眾強取棍靜于市賊靜于鄉及其去任也江南山東兩省居民扳馬脫靴號泣路

餓今年巡閱至沛縣沛令公出典吏出迎公于馬上拱手曰我入沛境一日聞百姓無不罵知縣典吏者做官為父母榮願以求錢財故拚父母與人辱罵耶少頃沛令送供給至公曰速為我將去幸告若主說裴姓人從不吃萬人咒罵之物予曰聞人毀裴公者甚多又聞其用形刑太嚴酷眾譁曰裴大人再說不出他不好處只有做賊人恨他我曾經偷過鷄鴨被獲毒打一次便改過到于今但是有良心賊也不恨他古語予與交善久每晤言必以居上不寬相勸免至其果敢勇往不爭閒氣洵為近日難得者乙酉夏嘉興白糧幫在水次殺人數百反割截首級懸挂頭

稅自嘉慶至淮安莫敢過問古愚時為河標副將購線人知其端末乃白督河漕三院捕之三院不許如是者三古愚拂衣起曰安邦武人無大人等局度白晝殺人反揭竿號令過城入市

國法何存安邦唯候恭而已遂挈兵二十人至河干單身此船呼名而檢其艙一一就縛三日所偵得的名三百人逸者不及四十悉縛送浙江歸案而浙江被議之道府廳縣悉冒古愚功以得開復古愚絕不與校然予見文武職官無不切齒誅毀古愚者是故民之所譽官之所毀官之所毀民之所譽也官民之毀譽相反如此司進退人才之柄者良不易矣 十

里至十里間無板唯田空過畢用閘牆作堤基耳
自此北至臨清每年間段估挑三年普律大挑然東
西兩岸長且七百里絕不見有土山設官而不能養
河員又不能噬民乃專噬帑銀良用為慨自此閘以
北水皆北下五里至分水龍王廟廟門正直五汶
合流出口處北下水湍激以北河斗也南下水蕩漾
以南河平也三七之分以此泊舟廟前謁宋尚書諱
字大本河白老人諱英字安傳祠作五言二首
尚書無人說瓊山有微詞邱瓊山去尚書不過三
數十年而劉祠壁詩云
更無人說得毋不與立謂同柳下知責賢固貴備
宗尚書苛求或未宜白老信先覺民事有涯所恐不逮

事事豈若謗梁肥尚書祛媚嫉聰斷復無茲過汶賈
河衛公私起瘡痍不然東麾節踞床驕如痴以位
色拒人攘功巧搆箕國是未遑惜清議安足維不
涉世途險詎知今則微斯人不可聞牛渚發哀詩
閉戶憂鄉鄰愧乏章瓢安

汶水改南流用良非禹績過其北東性豈伊龍王

力廟正祀分水龍王附祀夏禹白老洞水學三七分南北裕原

則導泉就下爰滙澤湖空納汶漲汶弱挹朝夕魯齊

間謂水入復出者為汶下游復引泗擎汶使不激懸流載高

地正供輸上國於今五百年遠矣食明德禍福聳

愚蒙懷棟走玉帛間河有村落可泊舟如何祠百

老側屋僅容席神不欲虛賽民宜道其直典祀誰
同符南有平江伯成祖八年白老人築戴村壩開
會通河十三年陳平江
築高家堰開清浦江而後南漕得以永直達

五里至柳林閘閘水始南下例以重船尾幫過竣即
下吊板俟尾船出衛河乃起板放民船二十里
至思賢鋪閘宗聖之故里也廟在嘉祥城中去閘西
南三十里三十里至伙頭灣閘宿閘上自開河閘
至伙頭灣閘水程七十里兩岸之內大抵皆湖登船
四望彌目皆葦苗蓮葉近者逼堤遠亦不越二三里
東岸則猛炸蜀山西岸則南旺東岸開河閘南北有
有一閘北閘名洪仁橋南閘名新河頭相距約五里

則通螭炸者也。螭炸湖長十里寬五里以形名之也。史謂之馬踏湖。柳林閘北有金線閘。思賢閘北有利運閘。南有無名閘。皆通蜀山。蜀山周六十餘里。西岸十里閘。北有關家閘。分水廟北有常鳴斗門。邢通斗門。南有彭石斗門。又無名斗門。又劉家斗門。柳林閘北有張全斗門。盛進斗門。土地廟閘皆通南旺。南旺周七十餘里。西南距四五十里。有兩峯聳起而岡巒連接者。則梁山諸湖大都是梁山泊之遺址。蓋其地勢本窪。又北宋黃河行張秋一帶。故漫水至廣。八百里。荆公常欲決梁山泊以興屯。有客譏以須別穿一梁山泊。乃可。荆公當日如何決如何興。是否有成。見

不可知。然水濬則漲，漫水行則就道。今梁山四面隴
畝相望，烏觀所謂別穿者耶？書生不解事，每託高議
以阻大計，大抵然矣。汶在明初，其水道仍如禹貢。自
白老人創築戴村壩于東平州東，以遏北東趣海之
路，導之南向，入運。蝨、蚱、蜀山居運河西岸者，上游分
汶水走汶，而于汶水經流旁又置閘座，以收下注旁
溢之山水入運。後于運河東岸置閘，使漲則灌入，弱
則引出，至南旺湖坐落西岸。汶須截運乃能入湖，為
力較薄，故西岸北門閘座倍于東岸。然遇夏秋少雨
之年，湖積水不及定誌，而汶源又弱，則恐艱于得送。
白老知東省多泉，故于上游各山疏導泉源四十五

派以渠入汶泗各有河無論滙水衰旺以泉濟河以接連法至詳備聞近年泉河通判蒞各縣查泉止取薄規並不躬履泉室渠湮者大半

十四日丙子過閘十里至安溝南旺湖止于市後

二十里卅橋閘即濟寧州西關自伏頭灣以下河勢趨東閘上五里北岸有閘其下五六十步有環橋皆通西湖西湖長七八里上橋蜀山之尾而不通專積滙水亦藉運河內灌為州城勝觀史稱宋尚書合馬常泊之沅以益汶在濟寧州西北與蜀山接則正西湖也然西湖水無關損益若獨山則在東南且與蜀山連甚段懋堂誤以西南湖口環橋為泗水之尾

故云泗水至濟寧州天井關入運河。二里至南門
天井關懷寧縣下懷甫泉。嗣以貴州知縣督運京銘
泊舟關下。急過從一談。並問翰風近況。甚晰懷甫今
年人日在揚州枉過。閱日走答。而船已開行。甚歎無
意中得此良覲。為之大快。懷甫在揚時。見予著川細
袍曰。吾貴土產。亦行到揚州耶。予曰。此出川中。非貴
州田物。懷甫曰。乾隆中有循吏山東張姓者。忘其名。
遵義府見其地有橡樹。遂遣人歸覓。蚕種及繭。師教
遵人放繭織紬。迄今教行通省。出產甚旺。有京庄漢
庄。此尚非其佳者。予入都遇義遵舉人洪應奎。詢知
始教遵民者。為陳公玉璽山東進士。乾隆中履任。非

張姓也。凡今放蚕所皆祠之。因以詳告懷甫。樂只父母陳公當之矣。一里抵在城閘。以養水送船。閘下滿板。不得過汶水。正漲無虞。淺溢若謂溜急。用資擎託。則三里之內有閘三座。溜勢本平。援例以恣婪索。使來往船隻坐烈日中。徑日閘河以台庄入東境。為商賈所聚。而夏鎮而南陽。而濟寧。而張秋。而阿城。而東昌。而臨清。皆為水馬頭。而濟寧為尤大。與濟南長山之周村相埒。其出產以烟葉為大宗。業此者六家。每年買賣至白金二百萬兩。其工以四千餘名。好勇鬪狠。每為守土者之累。而客利債滾利遍天下。濟寧獨不能容貧民之財不外出。宜其殷富也。而

河督南駐清江浦東駐濟寧州浦上居民皆依河以求衣食而濟寧則否濟寧有衛轄前後左右四幫水次在本州者五之二

十五日丁丑過在城閘閘東有板橋通水乃南市岸河無閘漕運六里至趙村閘七里至石佛閘十八里至新店閘閘上二里許北岸有堰水閘以淺洩坡水入河至此河身復寬至十五六丈八里至新開六里至仲家淺閘仲子廟在南岸廟後平坡積水甚寬長產營形略如蒲而莖方長三丈尺許六月刈之堪織蓑編箔打繩索結實如香附而有芒根如茨菇而圓冬掘之可煮食予經行南北數千里所

僅見也。六里至史家庄開河勢又歸南北八里

至魯橋兩岸皆有市泗水自東北來會于沙洲寺前

故土人云泗水頭在泉寺尾在沙洲寺也魯橋東南

四十里又有白馬河與泗河先後灌獨山湖白馬殆

即曲阜之沂水也過廿餘里有美女二堤攔水獨山

湖運河須水則挑填使河水外注運弱甚則并引湖

湖朏明謂泗水禹迹自滕沛徐邳宿桃至清河入淮

今徐州以南故道悉為黃河所占者誤明神宗三十

二年尚書舒應龍侍郎李化龍曹時聘先後開濬泗

河自邳州東之直河入泗口抵夏鎮中鑿韓庄引微

山湖以行運而避黃河吕梁之險至湖君著唐時

中和容未開則泗亦于邳宿之間入河耳不容徐州以南遂無泗也東岸自魯橋以上至蜀山湖尾之伙頭灣西岸自枣林以上至南旺湖尾之安溝長約八十餘里以目力約度其寬各不下二三十里西岸自石佛以下大都水佔自道光三年被災以後漚水漲積迄未涸出東岸雖尚耕種然亦多水窪堤岸高于平田終四五尺平田與河內之槽水相平土性膠黑保澤鬆柔長穀若得念切民依也晚農事不專為屬吏計囊橐之君子蒞其土而河負又不掣肘相度地勢人情慮熟而後發要以三年成效必著可使同于江南之高郵寶應每年約地力所出秔米不任下四

五百萬石矣較廣平之磁州永年保定之文安大城
水性土質皆遠過之法宜先附隄十丈外開寬深溝
以其土培寬大堤漸掣積水入溝中又度積水深處
加圍以潪水計地開子溝以土培路面大溝略加
如井字以通于潪尤宜先核糧冊將潪水及道路溝
渠挖壓之地公同攤認于可耕田內約扣步數為畝
以免爭執召募江浙之勤農為師其經費斷宜依業
食佃力借帶攤還之例然必須盡除以工程為調劑
之習氣亦不可使承辦人賠累則行之可必效若虛
慕名高冒昧舉事則予言將有作俑之慚矣 六里
至甯陽閘南陽為魚臺首聚林間 六里至新娘河

河在東岸獨山湖出水之小口也 六里至南陽關
南陽為魚臺首鎮昭陽湖頭在其市後自此以南乃
明穆宗時尚書朱衡所開新河舊河在獨山湖東經
穀亭南至沛縣之留城急雨至不能登瞭詢土人以
紀形勢再作五言一章寄題白老人祠

三日度河湖偉矣白老績予忖憂憫懷豈僅轉漕

急嘉祥濟寧間堤外平如織百里土墜泥利可興

溝洫膏腴不自愛歲米卅億石惜哉宋與金

總諱純字

德修泗州人官侍郎佐宋尚書未有明農力或謂

治水者今配食祠中

轉重空珍水至涓滴安能問疾苦更事距川役不
思水利興水害乃能革十年五被潦秉耒民持甕

相時謹宣蓄導脈疏湮塞灌溉與浮送並行斯兩
益誰為後來者聽此言無惑

十六日戊寅過閘十八里至建閘 十二里至橋頭

閘閘入滕縣境 五十里至宗家閘 三十里至家

閘 十二里至夏鎮閘鎮係滕魚臺沛三縣分轄充

曹兩府州縣皆在此兌漕故東省水次以夏鎮為大

獨山湖頭在魯橋尾在宗家閘長幾百里其北皆依

小山連縣為岸自山根至閘河東岸約寬十二三里

昭陽湖頭在南陽故又名南陽湖尾至夏鎮與微山

湖相接長百廿里寬三十里兩三年來皆苦潦水面

至寬七十里糧地被淹者無算東西兩湖皆與河隔

一單隄水東隄外間有葑田西堤厚不及丈臨湖一面砌毛石長與湖亘以西湖水逼堤根又西風浪勁故也建閘十八里中西岸有五里單閘七里單閘各一座東岸有小河口一橋頭閘十二里中西岸有三孔閘一座又單閘一座宋家閘五十里中有小河通獨山湖者三西岸有單閘一座五孔閘兩座十孔石滾堤一座楊家閘上二里許有小河口名鮎魚涎通滕邑各山水發極湍湧無閘濟運東岸湖止于獨山西岸之昭微兩湖專仗收納閘河漲水過多而之年兩湖西岸坡水下注亦旺然不能為源故西岸閘皆啟板水收河水溜勢甚急獨山湖則上游自納泗白

馬兩湖之水故至用小河港通水濟運平時則以土
埧截港口使閘河餘水專由西岸閘座灌昭微兩湖
十七日己卯過閘市長三里南頭有三孔閘一座為
微山湖受水之始又雙閘兩座十二里至十字河
滕邑青山頭一路山水並由此下注橫穿入微山湖
形如十字故名發水時大略汶泗並漲水勢相頂則
噴沙時時撈淺司事者撈起即置岸坡又兩岸本係
每年積沙居民佔種浮鬆一遇暴雨卽卬梗塞法宜
嚴禁私耕而貼以草皮撈淺方價稍寬使出土堤外
官民船隻並受利益冬春流不絕八里至彭口閘
又名滕沛閘以兩縣各管一閘牆為名也二十五

里至張吳閘閘北十里曰赤山鎮糧食煤炭之所聚
微山湖碎石坦坡始于此下抵韓庄閘北五里有單
閘一座十五里至朱姬庄迤北三里之內有單閘
兩座舊例空運南下畢則于朱姬庄前煞埧截河水
盡灌入湖去年以湖水旺未築此埧今年水勢更盛
十里至韓庄閘閘入嶧縣境江南之豐沛蕭楊四縣
以為水次過閘湖岸有十五孔連橋一座橋外築月
草埧已十餘年不放矣月埧南即湖口閘臨湖靠閘
牆作埧基築掛口埧挺入湖中以節溜勢閘北金剛
牆有誌椿以丈四為足數現存水文二丈九寸而閘
河水面低于湖面四尺許故自張吳閘北之兩岸閘

座水皆從版上外溢注河。開河始漸起溜過湖口。開河勢轉直。正東西岸為南岸。東岸為北岸矣。自分水龍王廟至韓庄。共二十四閘。水勢頗平。閘座約可減十五六。自五里單閘河水內注。約高三尺許。湖口閘湖水外注。約高四尺許。脂微雨。湖水通面平。約計南陽至韓庄二百里內河水高低。僅及六尺。自韓庄閘以南至清江大閘。皆有漕夫頭司招夫為漕船絞綆。關閘水斗者。至用關六十盤。役夫千許。漕委督之。而閘官亦稍有沾潤。者皆取成于漕夫頭。蓋挽漕不用閘板子也。并泊韓庄閘下。時當酉末。日映湖西。而正東有青白氣著地起。寬五尺許。上漸濶如放花。

砲狀直指日輪、蓋月欲上之所吐也、而日在雲中、亦出白氣十數道斜射東北、長至天半、洵屬奇觀、

十八日庚辰、二十里至新閘、六里至六里石兒閘、

六連^里至聚蓮閘、八里至萬年閘、八里至丁廟閘、

十二里至屯庄閘、閘東北岸有大彭口河、來合峰縣、

臨城、駙西有青雲橋、聚各山泉、滙諸水下注、此河冬

春不絕、汶泗而外、此河與十字河皆接運得力、八

里至河心閘、十二里至臺庄閘、河勢又漸向南、自

新閘至臺庄、名八閘、閘北皆有越河、頭窄尾寬、以閘

密溜急、故于越河放水、令其先統至閘下、擎託免致

懸沉滯運、且糧艘打閘時、民船仍可由越河運過、亦

為利便 三里至黃林庄入邳州境係山東江蘇分
界處而南河東河工境亦以為限聞此有石牌橫
列一畫以油硃填之春間河凍挑填鋪水以至油迹
為準及不則誤運之咎在東河及油迹則淺滯之咎
歸南河名曰紅油記予以舟行疾未見也 二十里
至河清間土名梁王城 十里至王母山山前有河
寬丈許長接微山湖尾而不通者五里名小黃河土
人云乾隆中南河向東河借水不可逆至開小河欲
竊微山湖水今其河間段淤塞而伏秋放水歸并沙
礫隨下故江南運河以至母山為頭淺 五里至界
口汛東岸有河寬五六丈上通北蒙山水源長二百

餘里 五里至河定閘土名大王廟 十里至灘上
住舟是日入初伏

十九日辛巳十里至成河閘土名新河頭灘上開船
不三四里東岸有沙河即邳州城前河過新河頭不
三四里有薛塘口即官湖河南兩河皆發源蘭山邳
城諸山冬春通水 二十里至貓兒窩河入江南境
即寬廿五六丈至此更寬而上游不五六里西岸有
三岔河寬三文許係聚銅邳兩界之坡水下注一入
運河以窄合寬溜緩步沙留故江南運河以貓兒窩
為二淺 十里至馬家營閘 二十里至窪灣沂河
自東北來合口門內東岸有竹絡埧係駁馬湖濟運

之上口也。春開秋煞。二十五里至利運閘。閘上十里西岸有安家雙閘。以洩坡水。十五里至皂河新文襄閘。中河以此為河頭。十八里至支家河西岸有王家溝。駱馬湖濟運之中口也。十里至董家溝有三孔石橋。脚木橋。駱馬湖濟運之下口也。二十里至五花橋。今名永濟橋。駱馬湖水出尾閘。五閘由橋下至摠六塘河。駱馬湖頭起窑灣。尾至五花橋。北與運河止隔一堤。上承蒙汭諸水。甚旺。雖長七十里而淤淺不能容。非山東水櫃之比。十里至宿遷東關宿船。

二十日壬午。候關疎爽登岸。存平湖徐春帆司馬。

麟於鍾吾書院以在揚諸別入都時有成約也過
關七里至卧虎關二十三里至濛沅關江南七關
亦有越河河口寬並正河非公八關之善矣自此下
達楊家庄河口計一百三十五里濛沅關下五里有
劉老澗新滾堤減漲水入六塘河楊家庄上十二里
有雙金閘放水入盞河濟葦左營正料及淮北網盞
俱在東岸劉老澗下五里仰化集入桃源境楊家庄
上二十五里豆辦集入清河境

二十一日癸未抵楊家庄即晚渡黃寬舟對渡即攔
黃堤黃漲初消而埽前及中泓皆平漲無溜濁如泥
漿水緩則沙停停而仍濁如此可駭也南河自嘉慶

二十年以後南北外山安海防四廳黃河漸成中飽
近年嚴守徐邳減閘刷深河槽其土復于下游以致
倒淤上行于挑南北宿南北四廳計八廳所轄長河
中飽之病且三百里矣攔黃堤內集夫興挑因夏間
倒塘淤淺故濬深塘子口以備回空並將順流清溝
挑過以備輪換蓋一塘子而兩口黃入傳淤多在口
門有兩口則堵此開彼旋淤旋挑可以無虞倒塘之
法與臨清相同唯彼以上游清水用版蓄高敵衝而
出船此則開堤以約黃塘尾築攔清堤以塘內清水
抵住黃溜黃澄為清高與黃平以資出船係參用河
工放淤進黃出清之法為稍異耳此法係道光六年

外南營千挽今升海安營守備廬國昌永盛所運創以送滯運銅鉛船隻者次年即用以送漕七八九三年重空船隻專恃此以免貽誤其法可謂巧妙然遇清黃相平及黃高不及尺黃入不能跌深塘口則坐困矣下攔黃堰至彭家馬頭夾堤內見積水漲漫如故八年夏清江北岸西頭之民居廬墓被滙水浸沒多年神初七八座在焉具公呈于當時事當事勘明惻然勅帑數萬兩為挑汰黃堤外圍堰內之淤灘為小河下達山陽縣之烏沙河以入運長三十餘里河成刷開汰黃堤以放積水水不得出適遇霖雨灘內滙水反灌入夾堤水面較舊高二尺許向未被水

而今續淹者又四百餘戶當事不得已又為之展寬
加深積水稍出刷動幫土新河間段淤塞水又不行
以灘面高下之易明而其難如是况言長河深淺耶
二十日甲申撤取行李過船十五里至清江浦訪國
昌以防汎不相值十五里至淮關入山陽境存程禹
山虞州蕭梅江文業禹山已歸天長與梅江話都中
近事而別十五里至淮安四十里平至橋入寶應境
廿三日乙酉百里至界首入高郵境二十里至六
安滿湖水已間段打破西隄直注運河倒漾至界首
河平無溜四十里至高郵城溜亦不盛六十里至甘
泉之邵伯鎮寶應高郵城皆臨河寶應在高郵上

游百二十里北勢高且大故河西雖皆湖堤而寶
應之西堤外有草灘寬至數里至十數里不等盛漲
尚低于河面五七尺故寶應城所畏者在黃水入運
高郵之西堤外即湖面稍長即與河通盛漲則漫堤
破戩堤面與城牆略平故高郵所畏者在高堰開堤
高家堰下為白馬湖汜光湖寶應湖高郵湖邵伯湖
水落分五漲則合一南北長幾三千里東西寬亦四
五十里白馬等湖俱為下湖以洪澤獨為上湖也下
湖受盱眙五河天長諸山小河共七十二孔而上湖
則承河南安徽十數郡及江蘇徐州諸山之水有名
之川亦七十二派自平江伯築高堰截淮水出七道

引河由太平河歸黃而開清江浦于太平河東岸引
三分之溜入運河上下湖始不相通自清江浦至邵
伯東岸有閘洞七十二座以濟下河之山陽阜寧盭
城寶應高郵興化東臺七州縣田畝高郵既與湖平
故西門外有通湖橋引湖入河而于南門外十五里
之中設南閘五里中埧車邏四滾水埧減湖漲入下
河引歸于海邵伯地勢更低而湖堤止于龍王廟在
邵伯鎮北十北里湖河既合又當五湖之下湖其東
岸昭關滾水埧一座獨承五湖引漲入海故較高郵
四埧更為着重過邵伯鎮二十里至瓦窑鋪是為湖
尾計三十里內湖皆無堤故邵伯鎮南設六閘東西

金灣埧鳳皇橋壁虎橋灣頭閘沙河橋等口分洩湖
口入江近年又開新河一道于鳳皇壁虎之間頗為
寬深然自六閘以下至河沙橋諸口之水皆歸董石
廖三溝董家溝由八達口石廖二溝合深江受水之
口增而出水仍祇舊路況江口積年淤淺江湖又復
上泛故高郵邵伯湖西田廬相望自嘉慶七年以後
迄為澤國昭關等五下埧本與高郵之仁義禮智信
五上埧相應而下埧下之引河年久湮廢一經啟放
則七邑頓成巨浸自嘉慶十年移禦黃埧于河漕之
後黃低底日高借黃濟運甚至有長年運河無涓滴
清水者運河兩岸決口五六皆借黃之貽害當事畏

黃如虎于西岸增建雙單閘座十數以減運河水入湖然入湖之後仍于下游入運一經失事為禍更烈又將禦黃埧口門逐年收窄僅容糧艘以求黃入之少後并于重運畢渡即閉禦埧專以運河一線承受淮水并將黃河上游增建虎山腰等埧黃水一漲即將臨黃之新舊各閘埧開放減黃入上湖而以高堰五閘埧為尾閘洩入下湖并七邑為歸墟之壑嗣以上埧疊次跌塘移仁義禮三埧于蔣家埧之上游新挑三河于灌水未入上湖之前截歸下湖以期保護堰工而道光四年卒至堰決三河又何益哉迨惜黃不行變為倒塘灌運清水涓滴無復入黃之理又以

倒塘時黃水過高則大險故須蓄高湖水高堰開堤之誌疊經奏增至一丈三尺而三四年來歲底湖水尚高一丈五六尺然黃水猶高于湖二三尺不等嘉慶十三年間河事最否然當大汎漫口四出之時順黃堤誌椿不過二丈七八尺十數年間大汎至過四丈歲底亦不下三丈三四尺故糧艘一竣即放三河而堤繼之為魚之痛其終能免乎道光六年六月高郵四堤悉開而湖水尚見漲營河營恭將持令至邵伯督開昭關堤此堤自嘉慶七年趺翻堤底積年未脩廿年估銀六萬揚糧廳領帑承辦後上下如忘延至道光三年冬督臣始嚴飭趕辦而帑項早歸焉

有于兩月之中、草草貸銀數千兩藏事、四年堰決水
勢驟至、十一月十九日辰刻、開放申刻即跌翻、及六
年奉令開放、居民謂放堰之所以異于決口者、以有
底節水故也、若開無底之堰、是決防矣、天必欲救人、止
可靜聽諸天、救萬衆、日夜臥堰上、不能施、春鍾廿二
日酉刻、大雨如注、守堰民人趨近庄暫避、而堡兵馳
白叅將、叅將立至、督開、及雨而住、民人趕至、堰已過
水、天忽無雲而雷、震斃報信堡兵于河堤、萬目共見、
群以為雷神之有時而事事也、七年湖漲、河員又議
開高郵各堰、知州李君宗顏以一身任之、得不開放、
七邑得以有收、八年湖漲又甚、李君與河員力爭如

前雖卒開放而籍得遲延二十日七邑得以搶收大半成災不甚七邑民頌李君云自取十二邑之幼公子置堤上曰與衆百姓為質若必開堤則衆人先取吾子投堤中今懼知太倉直隸州近年江省超擢之員多矣如李君者不可謂非從民望者也然治河不籌剗空而專事加堤治漕不求出清而專恃倒塘運河例容淮水三分今以十分淮水全數歸運雖李君永守高郵其智必有所窮况循良之莫能為繼耶是日大暑

廿四日丙戌四十里至揚州便益門過渠盤城河刻船歸寓祝

母氏壽辰詢知孟儀宜舅姑而仲遠人材足依甚樂
母氏命至書房款客而法都張美塘李練法殷市農
梅蘊生儀徵劉孟瞻畢春原君輔喬梓王西御勾生
昆仲吳熙載張司衡甘泉楊季子皆在蓋揚城之繁
人備于是矣

小倦游閣集卷第十八

正集十八

文十四

書喬徵君紀事文藁後

右寶應喬介夫記其先侍讀與新文襄爭下河開大河事
及侍讀被議始末稿本文義明整事書字秀質近世聞人
罕能至此可珍也楚植於鄉先進軼事網羅無所遺失既
得此藁裝池以示予徵君在雍正初以諸生被

召稱

旨同徵者或至卿相而徵君以老病辭歸是非以私怨肆

為蟻汙者大凡功名之士欲有所樹立于世而為權要掣肘
或隱忍就事常有至得罪名教者矣應唐德之於嚴嵩靳
紫垣之於明珠君子按迹原心不得不傷其所遭也文襄
著功南河以其友陳潢陳君嘗手書東去只宜疏海口西
來切莫放周橋之句於潛庵周橋不放無所用開大河于
下河矣則是役之不出陳君意也明甚仲璫以賄啖侍讀
且指淮揚西南郡之田以章其賂文襄箭在弦上或未可知
而徵君特書仲璫為陳君母舅是以此畫疑陳君也世所
傳治河方略出陳君身後其言得失相半文襄之始也急
於求功繼則恐敗其成置下河于度外乃其本意予雅信

陳君曾於郭君傳論詳言之自文襄倡下河形如釜底東
西並高而三河六堤之說起侍讀所爭乃三河之一耳以
至於今謬說相沿減黃入湖遞減入下河委七邑為全黃
之陂而猶不足卒至洪湖淤淺高堰漫決府百萬為魚之
獄文襄其得辭作俑之咎耶至謂文襄無奈公論始議開
海口以洩堤下積水按堤下直東范公堤外淤灘高于堤
內河身文襄之說原非虛妄然直東北之射陽湖蟒蛇河
既寬且深實有建瓴之勢能消堤水不此之謀而徒以大
河可駭之論自來物議湯文正又謂開海口一尺民受一
尺之益剿里巷之說絕不身親心測俱不可以言智河員

以辨工為利救壽張為幻愚弄上下其來舊矣所賴士君
子定力主持以破邪說而居其土受其害又績學敢言如
侍讀者尚不能研究地形發救時之策無怪日近高寶士
大夫竟以長年放墾為得策也矣楚拔其磐片石以廣其
傳並附鄙說以質天下後世之有心河事者侍讀名萊字
石林徵君名崇脩字念堂別字介夫侍讀之季子也於楚
楨為四世外祖道光八年正月廿二日

書質應訓導張君遺像後

江蘇州縣居大江南北者各半江以南利在浮收錢漕江
以北利在冒銷撫賑州縣之浮收冒銷皆取成于胥役胥
役勢日張家日裕於是庠序之不自愛者起而予之爭庠
序與胥役爭則事連州縣州縣不得不助胥役州縣助則
庠序常不勝於是公憤起而讀書自愛之士不得不與不
自愛者比以求其直庠序之力集則州縣不能敵而求救
於封圻封圻之視州縣猶州縣之視胥役也胥役能自達
於州縣而左右之州縣能自達于封圻而左右之故胥役
之所欲常可必得于封圻而無所窒礙予遊江蘇卅年見

封圻十數自覺羅長文敏公會稽陳公大文桐城汪公志
伊而外大都為胥役仇庠序而無暇分別其自愛不自愛
者矣於是不自愛之甚者遂至與胥役為屬犬以魚肉閭
閻雖足以快州縣之意

國家養士誠亦何賴于若人也耶主庠序者校官與胥役
事無所涉而不能不仰給州縣故州縣之仇庠序也常藉
手于校官偶有不昧初心與州縣微抗則封圻示之意指
無不從風而靡霍邱張君為寶應訓導寶應之為政也石
胥役以及鄉地故庠序常被轢於鄉地而君能力為之直
使州縣不得助鄉地以虐庠序故君官寶應十五年以病

自劾歸歸半年而卒卒後又五六年而遺愛不衰楚楨故
君所舉優行士也以君之遺像及其狀來乞題辭楚楨學
行予所愛重其言常可信詢之他士為說僉同則君固校
官之傑又幸其出于吾鄉也故為書後君諱昂字愛吾庶
幾能顧名思義者道光八年春正月

書桃花扇傳奇後

傳奇體晚出然其流出于樂樂之為教也廣博易良
廣博則取類也遠易良則起興也切故傳奇之至者
必深有得于古文隱顯回在激射之法以屬思鑄局
若徒于聲容求工離合見巧則俳優之使而已近世
傳奇以桃花扇為最淺者謂為佳人才子之章句而
賞其文辭清麗結構奇縱深者則謂其指在明季興
亡侯李乃是點染顛倒主賓以眩耳目用力如一髮
引千鈞鈞累九九而不墜者近之矣然其意旨存于
隱顯義例見于回互在斷制寓于激射實非苟然而
作或求之深知也道鄰身任督師令不行于四鎮故

于虎山自到時審兵部年天子于我手之語以明
責其罪虎山罪明則道鄰可見不着高別者以其不
足責也然福王之立也道鄰中夜結士英以定議

朝宗詩

福王立則與崑山齟齬無以得仕游拜翰廷

力梅村九紅宸亦云大學汪丈向洪馬主英定策奉
福藩世子而為之曲諱者蓋不欲專府獄道鄰使馬
阮反得從從罪也既書道鄰之死不明而又書祭者
責其并不能求死于戰也龍友死戰而不書者以黨
惡咎重不許其以死自贖贖也崑山之死也特書竟
做要君之臣之語者明其心之非叛而罪則當死蓋
崑山不稱兵離楚則馬阮不奪虎山許定國不敢北

渡尚可截河為守也至北都自死諸臣上不能致身
以卹國難下不能引退而遠利祿是直計無復之欲
買價泉裡耳故借書賈射利之語以深致其誚其士
人負重名持橫議者無如三公子五秀才而迂腐衆
昧乃與尸居者不殊然而世固非無才也敬亭崑生
者君皆抱忠義智勇辱在泥塗故備書者君之不肯
徒死而必達其誠所以愧自經溝瀆之流書敬亭崑
山生艱難委曲以必濟所事而庸懦誤國者無地可
立于人世矣賢人在野立巖廊主封域者非奸則庸
欲求國步之不日感其可得乎然而為師為長端本
為士士人倚恃門地自詡虛車務聲華援黨與以持

據長短其禍之發也常至結連家國而不可救此作
者所為洞徹徹窅遠而不得不藉朝宗以三致其意
者也

論史記六國表序

孟開曰史公序六國表先刺僭越次譏暴虐繼言其
得天助據地勢而終以法後王秦豈有豈可法乎夫
離其辭意將何屬曰是史公之所觀於孔子而班氏
以為微文者也蓋全書之綱領矣孔子曰人有禮則
安無禮則危安上治民莫善于禮能以禮議為國乎何
有不能以禮讓為國如禮何善哉史公之自叙也王
道缺禮樂衰孔子修舊起費作春秋撥亂世反之正
春秋者禮樂義之大宗禮禁未然之前而為用難知
蓋其幼誦古文長則講業齊魯之都觀孔子之遺風
觀多也史公既不能達所學以變漢夫是以不讓周

孔五百之期垂空文著興壞欲以明齊禮之化而已
故篇首引禮文以正秦襄之僭明秦之廢禮自上始
也禮廢則必爭爭必以利戰功者利之大而爭之至
極也好戰則財匱不能不專利專利則人心不附不
能不嚴刑以心移爭利之身涉嚴刑之世不能不阿
諛取容使公傷之曰先本絀末以禮義防於利事變
多故而亦反是職是故也至推秦之德與力皆無可
以并天下而當天心者謂上帝必歆其非禮之祀
而助之則未敢順故言若以疑之伯夷傳之所反覆
申明仍此志也是其心憂時變而為天下後世計者
至深且切寓意六國則於漢為無嫌危行言孫之教

也秦毀礼用暴漢不引為殷監而循其故轍故賈生
曰秦功成求得終不知反之廉節仁義轉而為漢遺
風餘俗猶尚未改高祖常偁李斯有善歸主孝文以
吳公嘗事學於李斯徵為廷尉是其舉事不非秦也
然則史公謂戰國權愛變可頗采識學者牽於所聞
不察終始而以漢興自蜀漢互證秦收功實之故屬
事比類隱示端緒真知懼之君子哉懼以漢因秦不
變而禮教遂至廢亡也高祖素慢無礼唯能以爵邑
饒人陳士謂士之頑鈍嗜利無耻者多歸之繼以孝
文好刑名之言竇太后尚黃老之術黃老尊生尊生
則畏死求不死者必矜無外孝武不勝多欲而逐始

皇之迹土木兵革無虛日徭役繁夥離興而輟集告
緡之法見知誹謗之律相繼並作蓋乎準封禪所記
其事皆昉于西時也申韓之毒誰知為老莊馴致武
迹漢廷君臣父子之間其慚德洵不後秦矣然秦雖
雖遺礼義黜儒術而聖人遺化猶在齊魯之間申公
轅固生之流並蘊直無所絀意及井孫通希世度務
弟子皆為首選公孫宏曲學阿廣厲學官之路舉遺
蒞利孔興利造爭端至使文學掌故援春秋比輕重
以求尊顯是礼亡於通儒亡於宏也史公知化爭莫
如讓絀利莫如義是故太伯冠四家伯夷冠列傳重
讓也表兩容穿孔美兩生不行書淫獨絕阮紀田沛

鉅足尚義也尚義重讓則礼殆於可興矣然而漢廷
諸臣唯賈生為能不以卑近自囿達治之源其言曰
移風易俗使天下回心向道類非俗吏所能為俗吏
務刀筆筐篋報簿書期會不知大礼秦俗尚告訐任
刑罰今不避秦轍是後車又將覆也先王執券勸善
懲惡之政堅如金石而必曰禮云礼云者貴絕惡于
未萌以起教于微眇也孝文以為然使草具事儀興
礼樂悉更奉法而絳灌大臣短而抑之史公悲賈生
之窮乏不止其身也故既善其推言過秦之說復齒
之屈平以明其志所以深致憾于媚嫉壅害而為萬
世有心維持礼教者慟也管晏之黜爛然矣史公乃

推本絕并艷術越右凡以高讓重義之教必待人而
行庶幾帝臣不蔽足以黜利去爭隆礼而興孔子之
業耳相其折壹遂比於春秋為謬自居整齊世傳非
所謂作而卒謂略以拾遺補藝成一家之言明為百
王大法非僅一代良吏史而已孟監堅讀之乃不得
其指歸猥以為陷刑之後敗損當世是非頗謬于聖
人史公所為著于書首大聲疾呼非好學深思心知
其意固難為淺見寡聞者道也

絀意尚法以爭利秦治也漢初因之至孝武興礼
重儒願專歸玉帛鐘鼓以欺世而嚴刑嗜利反甚
於高惠文景之世遂使利操大權而人心趨之如

驚是天意欲變古今之局故史公發憤而作全書
言廢而嘆者三一厚王惡聞已過一孟子言王何
必曰利一公孫厲厲學官之路其義類可見

書史記魏其武傳後

或問史公傳魏其武安既云魏其不知時變灌夫無術不逃相逃相翼以成禍亂又云武安負貴奸權則曲頭明禍源昭著而復繼以禍所從來者何謂也予曰此自序之所謂原始察終見盛觀衰者也蓋憂世之微言而重斥外戚矣世序世家曰孔子罕言命蓋難之也非通幽明之變烏能識乎性命哉言難以知命責外戚在下不可恃而在上不可縱也故曰魏其武安皆以外戚重外戚唯魏其賢能引大義以阻傳梁之失而太后願以此除其屬籍故曰魏其之舉以吳楚明非吳楚則終身廢棄也既以賢而廢國則所

舉必負責好權通賄賂恣睢眦如武安者耳進退人
才者人主之柄東宮恭進退之權而顛倒如是豈必
臨朝稱制乃足為亂哉外戚重則公家卑其究則乎
政所謂王氏與劉氏亦且不並立者也述武安初用
事下賓客進名士欲以傾諸將相推轂儒術設明堂
興禮樂痛折節以礼肅天下非新莽之前車乎高祖
之侯澤釋之也以為將有功而台座之並侯也以父
澤死事恐議者不疑察為恩澤故白馬之盟曰非有
功而侯天下共擊之侯以恩澤自薄昭始功昭功與
定策亞于宗昌願以達太子恩使與駟鉤趙兼同科
白馬之約始敗矣昭卒變謹良之舊至殺漢使是故

長君少君初至長安而絳灌以為我輩他日命且懸
兩手則文帝示私外戚之禍可勝言我是故竇太
后趣侯王信政君勅讓于丁傅之嗔夫也條侯力持
正議遲信侯數年而條侯以得死竇太后好黃老以
清淨退讓教宗室諸竇尚如此則婦人之不可用也
亦甚矣當武安嚮用之時武帝曰君除吏已盡未其
請宅地則曰何不遂取武庫是不必至魏其灌夫事
始不直武安也帝初即位即以太守淮南鎮天下勤
兵處及其為太僕寺以酒搏竇甫恐太后誅夫為從
相燕則帝之知夫而全夫者至矣至東朝廷辯以兩
人孰是徧問朝臣汲鄭對不能堅餘皆莫敢對武帝

之用心竇欲以朝臣公論以抗太后而舍魏其灌夫
如袁盎諸臣之持梁事也既莫對對又不堅而遂無
如太后前矣故怒曰今日廷論局促如轅下駒吾并
斬若屬也以武帝之雄才大略而止迫於驕所薄
陷所嚴況成哀之下材乎史公蓋前知之而隱其辭
以為萬世戒不然武安之患若吏民修成子仲之傳
耳矣吳楚之功最條侯魏其灌失附條侯以傳可矣
何遽如自序所述乎史公之特立此傳者深憂履霜
之戒不至政君三世稱制龜鼎遂移不止也是禍所
從來之謂也

書穆乾清事

道光六年六月張格爾亂回疆陷城

上遣御前乾清門近侍習兵者廿餘人分領東三省勁旅賁揚城威將軍印以授大士伊犁將軍長齡前鋒統領安福與其子二等侍衛扎郎阿與遣中又命固原提督揚芳為啟行七年四城俱復而張格爾逃出卡

上怒褫揚威翎頂官職罷太子太保陝甘總督楊遇春山東巡撫武隆阿叅贊事以授揚芳謀者言張格爾依婦家在教罕群公多欲以為功者叅贊謂孤軍行卡外二千餘里不能得要領危道也揚威強之行

恭贊手書訣朝貴朝貴以書聞不數日而敗書至
正以是益望揚威九月遂

勅恭贊回鎮時群公爭求自脫皆徃賀恭贊謝曰官
兵新失利家官保前奉命關之

命已治行武公又左遷揚威病甚乞休不可得我若
去者恐內奸構害乘虛弑矣哭兵無統紀貽

國家深憂因瀝情乞留已而有

旨遣回前

期勅甫發遽而告留奏入

上為之垂涕是年除夕張格爾率眾入卡恭贊追及
于卡外餞蓋山以八年正月二十日生擒之論封果

勇侯授太子太傅加紫韁雙眼花翎雖資亞揚威而
眷顧尤隆果勇自弱冠以布衣杖策從戎行三十餘
年言名將者推二楊至是而天下仰望風采過于宮
保矣當果勇之徇浩罕也從滿漢領隊官以下數既
深入陷圍中安福中矛墜馬賊將下馬欲截之扎郎
阿躍馬斬賊將負其父并拔所領兩隊潰圍出及凱
撤父子皆建官一等畫像紫光閣昔條侯魏其懸軍
橫扼七國于梁楚之郊不三月而半天下之叛者皆
悉平偉矣彼灌夫者從以父死事故募壯士入吳壁
身被十餘創父仇未復壯士亡失十八九然猶以名
聞天下聲居竇周之右今扎君立殲仇讐救父以全

軍忠孝備于一時則賢于仲孺遠矣且醇謹退讓如
儒者非仲孺無術不遜也果勇智能料敵不懷居
信足度越時流矣然此功程行其能如條侯魏其乎
然果勇然九年正月入都都令出夾道爭先望顏色
至擁塞馬首不能前而北君之名願永著予前因果
勇以死而北君父子且十年故恭驗在事諸公目擊
之辭以紀其實使天下後世慕忠孝奇男子者有所
與稽焉

東海記傳奇叙

甚矣折獄之難也人知刑求之辭不可恃謂熬審之辭為可恃乎孰知到案即承之辭之尤不可恃也故刑求而翻異者十五六熬審而翻異者十二三到案即承則斷無翻異已受辭者方自詡以為得情豈知其沈寃有更甚於刑求者乎漢東海孝婦事明書史冊雜見記載孫轉運謂其誣服為不欲罪坐小姑似矣然抑安知其非逆料尸居者之聽必不聽而不忍以純白之身見辱伍伯為此自承耶故臨刑而以繡竿自雪則知孝婦之寃結無可告訴者非極至隔絕天地之和歷三年之久毒流千里不止也且其

時守令之聽此獄也非有所為而為而禍已如此良可懼
矣世所傳六月雪傳奇或借孝婦為言而別有所寄非傳
本事近人作東海記以紀其實顧難以現行事例又其文
不詞不足以聳動觀聽太倉王君季旭更之其詞旨悱恻
其節奏簡易吾知坐華屋綺筵而徵新曲者必有思齊內
省之心一時並發勃然而不能自遏者矣是季旭之志也

書亭林原姓後

亭林之言曰男子稱氏女子稱姓可變姓不可變氏所以為男別姓所以為女防其說偉矣然謂自秦以後以氏為姓以姓稱男而周制亡而族類亂則失實又謂最貴者國君國君無氏不稱氏稱國而引踐土之載書以為說獨不聞尚書稱齊侯呂伋乎女子嫁於國君則稱姓冠之以國如姜芊息媯於大夫則稱姓冠之以大夫之氏如趙姬盧蒲姜獨不聞春秋之書夫人婦姜氏夫人子氏乎左傳曰天子建德因生以賜姓祚之而命之氏國語曰帝嘉禹德賜姓曰姒氏曰有夏昨四岳國賜姓曰姜氏曰有呂又曰

黃帝之子二十五人其得姓者十二史記曰自黃帝至舜禹皆同姓而異其國號以彰明德故帝禹為夏后而別氏姁姓氏契為商姓子氏棄為周姓姬氏又曰舜為庶人時堯妻之二女居於媯汭其後因為氏姓媯氏至周武王求舜後得媯滿是姓亦可曰氏而男子得稱姓記曰六世親屬竭矣其庶姓別於上鄭氏曰始祖為正姓高祖為庶姓是氏亦可曰姓是故姓氏者對文為別散文則通以氏姓為以姓稱男不自秦以後始也敬宗合族以尊祖固先王為治之大經而源遠末分其勢有不可繫而一者是故黃帝十二姓皆同源周公定百世不通婚之道祇以治其後不

以吏其前然而驪姬吳孟子即見於周公唐叔之裔族類
之亂又可獨責之秦乎哉亭林之說所謂善西施之容無
益吾面者也

書亭林答王山史與王仲復兩書後

與仲復書略曰華陰王君無異有諸母張氏年二十六
其君與小君相繼沒無異以兄子為後方四齡張氏獨
守節以事太君二十五年太君亡又三十年年八十一
及見無異之曾孫而終無異感其節將為之發喪受弔
而疑所服僕以免服告之讀來教與無異書宋之許也
禮經免之制有二其重也自斬至總皆有免其輕也五
世之親為之袒免五服之制有冠有衰免則無冠是故
有免而衰者有免而袒者在五服之內則免而衰在五
服之外則免而袒袒非肉袒乃無衰而謂之袒史言漢

高為義帝發喪袒而大哭兵皆縞素是無哀而袒者今
無異欲表張氏之節而報其恩不可以無服故援汪錡
勿錫之義請為之免既葬而除吾豈敢如叔氏專以禮
許人哉

荅山史書略曰仲復之言自是尋常之見雖然何辱之
有小星江記列之詩紀叔姬列之春秋雖今之勝與古
之婦姪不同然父母所愛沒身敬之不衰况此五十餘
年之苦節乎使人謂諸母為尊公勝者其位也其取重
於後人而為之受弔者其德也君子以廣大之心裁物
制事當不盡以仲復之言為然將葬及墓當自西而上

不敢當中道其反也虞於別室設座不立主期而焚之
先祖有二妾武所逮事其已也葬之域外此固江南
士大夫家之成例而亦周官冢人戎前歲後之遺法今
諸母之喪為位受弔加於常儀以報之足矣若遂欲祔
之同穴進列於左右之次竊以為非宜

已世臣曰無異別字山史與亭林為道義交所事予不悉
原委仲復之書亦未見玩亭林兩書似仲復欲無異以嗣
母禮為張氏發喪諱言妾媵而無異賢其是否於禮宗者
也禮齊衰三年章慈母如母傳曰貴父之命也衰經五月
章君子子為庶母慈已者傳曰以慈已加也鄭氏申之曰

若慈母不命則亦服庶母慈已之服總麻三月章孔母傳
曰以名服也鄭氏申之曰謂養子者有他故賤者代之慈
已禮曰為慈母後者為庶母可也祖為庶母可也亭林以
無異由兄子出嗣與妻子殊科又自明祖頒行慈孝錄後
為庶母皆衰期而父妾則無服亭林于此名以父妾則心
實不安名以庶母則衰期有令故變其文曰諸母然鄭氏
註諸母不漱裳曰諸母庶母也此其意有所窮而辭不能
不遁者也無異嗣父既沒而太君猶住世二十五年是其
歿也年不過強艾之間張齒正盛則其嗣無異在張稱未
亡之後可知也其入嗣也太君必命之其父母必命之以

四齡之孩提為人後揆以人情張雖賢淑不命為母子太
君及其父母之心能必張之顧復鞠育不殊所生耶古人
有長于嫂而報以母服者君子不非也叔嫂於禮亦無服
之親耳今張以穉妾矢志嗣藐諸以延祀奉垂白以盡年
天祚節孝使無異年未六十已抱曾孫而亭林且必使之
不得與賤者代之慈已者同服是則予之所不能解也推
亭林之意以為嗣母也則其嗣父有已故之妻以為慈母
也則無異非其嗣父他妾之子以為庶母也則張無他子
女故援鄭君報之則重降之則嫌之例而絕之以無服為
親竭之祖免以受弔而示優亭林自謂善於議禮矣記曰

不及知父母與兄弟居加一等傳曰小功以下為兄弟為
父母早卒不忍懿親之遠也賈疏申鄭以或幼小未有知
識當矣今無異既不及知嗣父母又當降本宗宜其聞亭
林說而不許也且古禮有必不可行於近世者亭林故知
之古人吉凶不同制有總則廢一時之祭故喪服常為祭
而屈今則自上下下宗廟之事雖斬衰無關也亭林之曾
祖侍郎章志生長子左庶子紹芳次子生員紹蒂紹芳生
長子同德次子同應紹蒂生子同吉同應生長子緇次子
絳即亭林同吉早卒聘王氏未婚守節而以亭林為嗣必
執小宗絕之經則紹蒂之繼未宜通以大夫無字則為置

後之權則紹帝之爵不應且王貞其苦節實冒周公之禁而違孔子曾子之教然亭林誦其嗣母奇節涕淚交集君子哀其志歷今且二百年未有援為殤後之說而譏其不知禮者也何其不忍於所嗣而使無異之忍于張至于此極耶至自述葬其祖妾于域外為得家人死前或後之遺法豈以天下後世竟無復有誦讀周官者乎家人掌公墓之地辨其兆域而為之圖先王之葬居中以昭穆為左右凡諸侯居左右以前卿大夫居左右以後各以其族凡死于兵者不入兆域凡有功者居前以爵等為止封之度與其樹數鄭氏謂居前者居王墓之前處昭穆之中央王公

曰上諸臣曰封引漢律侯墳高四丈以例之內命婦之命

服貴者視御賤者視大夫若族葬例此為法則必亦有明

文故周官內命婦葬既言之甚詳而宋墓獨不及者以

意測之其必如近世陵寢妃嬪同入幽宮無疑也故爵尊

者大為之壟非祇為等差亦以嬪御衆多懼不能容矣大

車之詩曰畏于不奔而矢之曰死則同穴祇之詩曰以爾

來車繼之曰三歲為婦蓋彼以車來是成為婦此言奔則

自居為妾是妾得同穴也記曰以殉葬非禮也况又同棺

乎是婢子可同穴非殉葬非同棺則於禮不悖也投諸塋

外所以為戰陣無勇之法以罰妾媵義無所居且張之於

王可謂有功矣而亭林必使其柩當西上不得當中銜一行以此說經得毋近學儒三年歸而名母者乎至設座期而焚之更為無据將援不世祭為說耶則期不足為一時以將今喪庶母期為此耶則免以葬除亭林殆亦据當時吳中士大夫之所行以為成例而誇秦人耶至於有免而而衰有免而袒袒乃無衰之謂尤不知所出喪禮凡言袒非執事則將有所變与襲對不与衰對也禮疾病既廢牀男女改服鄭氏謂當有賓客來問病亦朝服主人深衣復而不返曰既卒主人袒括髮襲經而免三日大斂又明日成服乃衰而着喪冠是免時故無衰矣啓殯之後未葬之

前三虞卒哭皆免而散麻鄭君謂喪自卒至殯自啓

喪服大功

至葬主人之禮其變同日數亦同賈氏申之曰啓日朝禭

同小斂之奠明日朝祖同大斂之奠明日乃葬主人葬婦

變服亦同於未殯唯君弔不及免時主人雖免未散麻鄭

君以為為人君變自若絞垂貶於大斂之前既啓之後故

孔氏疏復殯服則引雖不當免必免之經注以申之而定

其服曰苴絰免布深衣又言諸侯來弔主人必為之重禮

凡五服為免之節自始死至殯皆免啓殯又免以至卒哭

皆如始死細繹經記及鄭君孔賈之說是凡言免則無衰

也

而往耶注改服祖括髮徒跣布深衣披上祖不以領服色
去尊一表服記改葬服總帷以為桑如緦服之括不知各
殯免者無為飾以徒重小聖言其桑服斬衰者不以母喪
色父故用斬之直經免以別于齊衰之免布故云斬以明
之曾子問改服者重括髮為拍問君喪應雖斯然為難斯
則疑子自吉故著括髮明不以父喪色君而顏及徒跣披
上祖之常礼耳若葬時非布深衣則此服從何忽至故唯
以往跣披上祖為變矣至化言改葬是其除服已久唯見
棺不可以吉將事故用五服之輕者以別于正葬之免凡
此皆崔氏之拘文而不能旁通曲達以說其義故冲遠斥
為乖僻若亭林以祖免為受弔為主之服是又不得援崔
氏說以為解

若漢高為義帝發喪祖而大哭是正其名為共主則正應
五服之首所謂諸侯為天子者也三軍縞素而謂漢高必
無衰乎且發喪必依始聞之禮是正未成服之免而祖以
謹親竭又何疏乎再母黨之服今令除如舅為小功外皆

以上為重凡當免大功皆散麻成服則緝麻經所謂絞也各殯後見棺欲變服如始死以致哀痛卒哭則脫經于廟門外而受者不復麻唯吳國君有于葬後束帛者仍免而不散麻雖尊人君然哀痛非見棺比注謂自若然也己君斷無葬後始帛之理故經諸侯帛取帛雖已葬主人必免以列其非已也云云君帛則復殯服與小記雖不當免冕正是一事名雖有當葬之帛然其時正當免耳鄭注曾子問共殯服曰殯服謂布深衣直經散帶垂孔氏括以疏復殯服唯泰用小記不散麻為說此承殯而為言也士實禮主人及兄弟如葬服鄭注葬服大夫整散帶垂則承葬而為言也成哀則統垂經有明文是散麻不以加哀則葬服即殯服矣檀弓云品升而葬乃天子諸侯變服接神之禮不達于大夫士已士實禮祝迎尸一人衰經奉進哭從尸鄭注一人主人兄弟喪服記小功以下為兄弟小功為殯故以輕者一人服衰經奉筮特著衰經明餘皆免也小記經小功服實卒哭則免故孔疏小記引崔氏喪服變除將葬男子免婦人髻與末成服時同其服則如喪服謂彼雖準約經記為此而不取其平似蓋崔氏所準約者

三事一小記父母之喪偕先葬若不實祔待後事其葬服斬衰一曾子問父母之喪既引及途聞君薨遂既封改服

與禮經同嫡庶無別也而令注云庶子為已母之父母服若其父母係屬賤族者不在此列此其說出於徐乾學讀禮通考乾學亭林之甥一皆本其舅說亭林嘗論庶子母黨之服載或難以賤族豈可制服而解之曰以族賤故使其子不得為服是其父之過也余謂其父則亦何過之有妾之賤以奉君與女君非賤于其子也其子服外祖父母舅若從母非服其賤族也三吳紳士當明之季世豪縱驕淫姬侍充斥常恐外畜以毀家故絕其母族偶有通往来者亦不齒以重折辱之使妾不得父母其父母而子不得外祖其母之父母不尊人親之謂何故近日士庶猶有念

一本之誼而戚其所生母之黨者至卿大夫家則絕無其事
所關于人心風俗之淳漓者至鉅而亭林實階之厲亭林
于順治癸巳甲午間以其家舊僕陸思潯其中叛投里豪
遂擒之數其罪而沈諸水亭林懷精衛之志守狙伏之身
乃不能矜一附炎之僕幾陷大戮非溺于平昔豪紳之聞
見乎是不能不為亭林深惜者矣

書桃花扇傳奇後

傳奇體雖晚出然其流出于樂樂之為教也廣博易
良廣博則取類也遠易良則起興也切故傳奇之至
者必深有得于古文隱顯回互激射之法以屬思鑄
局若徒于聲容求工離合見巧則俳優之技而已近
世傳奇以桃花扇為最淺者謂為佳人才子之章句
而賞其文辭清麗結構奇縱深者則謂其指在明季
興亡侯李乃是點染顛倒主賓以眩耳目用力如一
髮引千鈞累九九而不墜者近之矣然其意旨存于
隱顯義例見于回互斷制寓于激射實非苟然而作
或末之深知也道鄰身任督師令不行于四鎮故于

虎山自劉時著三百年天下亡于我手之語以明責其罪虎山罪明則道鄰可見不責高劉者以其不足責也然福王之丘也道鄰中夜結士英以定議事見朝宗四憶詩梅村九江哀亦云太學士英可法馬士英定策奉福藩世子福王兵則與崑山齟齬無以得上游屏翰之力而為之曲諱者蓋不欲專府獄道鄰使馬阮友得從從罪也既書道鄰之死不明而又書祭者責其并不能求死于戰也龍友死戰而不書者以黨惡客重不許其以死自贖也崑山之死也特書後世將以我為亂臣之語者明其心之非叛而罪則當死蓋崑山不稱兵離楚則馬阮不奪虎山許定國雖北渡

河尚可截淮為守也至北都自魏諸臣上不能致身
以卹國難下不能引退而遠利祿是真計無復之欲
買價泉裡耳故借書賈射利之語以深致其誚其人
負重名持橫議者無如三公子五秀才而迂腐蒙昧
乃與尸居者不殊然而世固非無才也敬亭竟生香
畧皆抱忠義智勇辱在塗泥故備書香君之不肯徒
死而必達其誠所以愧自經溝瀆之流書敬亭竟生
艱難委曲以必濟所事而庸懦誤國者無地自立于
人世矣賢人在野立嚴廊主封域者非奸則庸欲求
國步之不日蹙其可得乎然而為師為長端本為士
士人倚恃門地自詡虛車務聲華援黨與以倚撫長

短其禍之發也常至結連家國而不可救此作者所
為洞微察遠而不得不藉朝宗以三致其意者也
祭告先府君文

道光十年歲次庚寅仲春月庚申朔越十五日甲戌
不肖世臣謹遣家男家起以清酌庶羞敬告顯考鄒
學府君之靈曰嗚呼府君抱濟世之志贈登無所合
貪病交構瘡恨早歿歟形渴厝極生人之慘厄已不
肖自離襁褓徧聞義方庶幾君子之澤藹文以光而
迺矩步所履荆榛塞行途瀧岡有特之說閱三十有
七年慨然不覺泚之被頽也然而終鮮第第蓬轉就
口里仁未擇松楸誰守幽憶少時侍遊十載皆在白

開南路其民氣淳樸敦洽比之古處而吉山脉別東
行南顧逆向雲台孫不背祖府君疇昔反復盤旋其
周燭眷而樂之嘗發終焉之嘆故今相新阡于左墅
竇居吉山之南結茅舊遊以待丘壘當亦神期所安
也敬卜月之十九日卯時啓攢二十一日巳時請靈
登舟三月十四日寅時奉安幽宅陰陽家言斯為大
吉水程五百截湖涉江變女冢孫依神侍艘恬波利
行以遂辰良先期展告鑒茲用饗

祭女波心文

道光十年歲次庚寅三月己丑朔越十一日己亥阿
父遣侍書汪慶謹以庶羞清酌致祭于亡女波心大

小姐之靈而告之曰維汝生性淑慧而溫靜讀書三年頗通爾雅毛詩之義沈默寡言作止有度方謂成
不堪為女師不意從遷揚州漸染羸疾轉徙白門遂
成劇症既已病瘵日夜啼哭謂汝母曰兒必不起合
家回揚必携鬼柩同去兒不耐作白門旅殤也予聞
言心慟諭以安心調遣如有倉卒祖父冤孽未卜吾
意必在白門將來以汝附葬汝母憂殤魄無依也有
後汝遂無言又延數月予隨計啓行未數日汝遂奄
忽厝白門外之琉璃窑以予贈燈遷延又十餘歲始
得卜吉兆于白門南鄉吉山之麓以奉年三月十四
日寅時奉安汝祖先于本日午時啓汝攢屋迎靈來

山汝生不識祖地下依侍以安祖心世世祭享俱侍
祖側汝竟有知其安新宅嗚呼尚享

祭告吉山神文

道光十年歲次庚寅季春月己丑朔越十四日壬寅
候選知縣舉人包世臣謹以三牲卮酒敬告吉山之
神曰尊神所司厥名維吉是能擁護陰陽使各安其
宅者也世臣籍隸安徽涇縣幼隨先考郡學君遊學
于建業先考性耽堪輿常盤桓山下樂其蔥鬱茂豫
故承遺志卜先考窀穸於神封之左暨劉巷村麓以
本日寅正一刻安位並以亡女瑤淑祔敬告尊神呵
護其不祥以安先考之魄無受陰陽侵損感威靈之

不冒敬薦馨香惟尊神鑒此愚忱也尚饗

反悲歌

宋大夫傷其師志潔行芳遭時昏昧為謠諑所傾陷
而作九辯詞有哀艷使人酸鼻流涕不自已故仿賈
生弔湘楊子反疊之意以為之辭

夫何大夫之多微詞兮平分四時而獨悲凜秋草木
搖落而變枝柯兮松柏乃顯其寡儔夏煥台以茂育
兮長根莠而榮荆棘非戎露而坤嚴霜兮詎見其萎
黃而於邑憫蚩蚩之至遭命兮無斧柯而嘆失職感
靡落而私鄰士貧兮宜處富而政臆豹隱霧而養天
兮安七日之不食為子飛以謀補梁兮驚增歟而垂

翼遠行洵必有歸兮胡憐憫以喪吾寶無友生以憫
悵兮盍却埽而樂其道既君心之異予兮何尚一見
之縈顧信反躬之足逍遙兮又何有于當怨蕙華必
自異于衆芳兮宜蕭艾之交妬知狷狷之守君門兮
胡重足以通怒秋霖溢而土不得乾兮肆振衣于高
山畏迷陽之傷吾足兮及淪胥其誰怨執轡志在近
郊兮馭千里其爲往進繫苦于阿閣兮志豈期聞乎
歸昌驥牽鹽兮誰惜鳳棲枳兮誰省謂初德兮不可
忘待陽春兮無徵幸抗行尚被偽名兮車下誰其聞
謳甘蕪野以待後敗兮視輟耕又何吁念蹇之之匪
躬兮慮文之以辱身保不肖之賜軀兮毋布名之振

振